

SCRIPT OF MORNING GOJRI NEWS BULLETIN 3MAR 2025 1015HRS

مارننگ گوجری نیوز بولیٹن 3 مارچ 2025

یوہ آکاشوانی جموں بے عبیدلرحمان تیں خبر سَنو۔

J&K BUDGET SESSION

جموں کشمیر قانون ساز اسمبلی غا بجٹ اجلاس غی شروعات کُجھ دیر پہلاں لیفٹیننٹ گورنر منوج سنہا گا خطاب نال ہوئی بے ۳۶ دن گا اس بجٹ اجلاس مانہ ایل جی موصوف اس ویلے جموں مانہ قانون ساز اسمبلی مانہ اسمبلی ممبران نال خطاب کر رہیا ہیں یوہ بجٹ اجلاس جموں کشمیر یو ٹی وستے برو اہم اجلاس بے جس مانہ کئی اہم معاملات ور بحث کی جے غی۔ اس اجلاس غے دوران حزب اختلاف جماعت گا ممبران وی موجودہ سرکار تیں بکھ بکھ معاملات ور جواب طلب کریں گا۔

SPEAKER PANEL

جموں کشمیر قانون ساز اسمبلی غا سپیکر عبدالرحیم راتھر اج اسمبلی مانہ لیفٹیننٹ گورنر غا خطاب تیں بعد چنیر مین کمیٹی وستے مُنتخب نام غو اعلان کریں گا۔ یاہ کمیٹی اسمبلی غے اندر سپیکر غی کاروائیاں مانہ اُن غی مدد کرے غی اس کمیٹی مانہ شامل افراد اسمبلی سپیکر غی غیر موجودگی مانہ اجلاس غی کاروائی وستے زمہ دار وے غی اس تیں علاوہ اسمبلی غے اندر احسن طریقہ نال تمام تر کاروائی انجام دین مانہ اس کمیٹی غو اہم کردار رے غو۔ چنیر مین کمیٹی غا اعلان تیں بعد سپیکر موصوف گزشتی اجلاس تیں موجودہ اجلاس تک وفات پان آلا افراد نانہ خراج عقیدت پیش کریں گا۔ سپیکر موصوف اس دوران بھارت غا سابقہ وزیر اعظم ڈاکٹر منموہن سنگھ تیں علاوہ دیگر وزراء تے کئی اہم شخصیات غی وفات ور تعزیت غو اظہار کریں گا۔

PROPERTIES ATTACHED

جموں کشمیر پولیس نے گزشتہ روز ضلع پونچھ غے اندر ۳ دہشت گردان غی جائیداد مانہ ۴۱ کنال ۸ مرلہ زمین وی شامل بے جس غی مالیت تقریباً ۸۲ لکھ بے ضبط کی گئی یاہ جائیداد پاکستانی نداد مقامی دہشت گردان غی بے جہیزا جے قبضہ لکیر غے نیڑے کسبہ تے کیرنی گراں گا رہن آلا تھا تے اتوں نس غے پاکستانی مقبوضہ کشمیر چلے گیا یاہ کاروائی اُس مہیم غو حصو بے جس مانہ دہشت گردان غا تعاون نال کی گئی تعمیرات نانہ توڑنو تے سرحدی دراندازی نانہ روکنو شامل بے اس ضمن مانہ متعلقہ اتھارٹی علاقہ غے اندر دہشت گردان غی کاروائیاں ور قابو پان تے دہشت گردان غی طرفوں کی جان آلی مانی معاونت ور شکنجو کس رہی بے۔

JKSCERT

جامع تعلیم نانہ عام کرن خاطر جے کے ایس سی ای آر ٹی خطائی دفتر جموں نے ڈانیت جموں نال مل غے نیشٹھا پروگرام غے تحت ضلع جموں تین تعلق رکھن آلا ٹیچراں ماسٹراں تے لیکچراران وستے دوجا مرحلہ گا ۵ روزہ تربیتی پروگرام غی شروعات کی بے۔ اس تربیتی پروگرام غو افتتاح ایڈیشنل چیف سیکرٹری برائے تعلیم شانت منو نے کیو تے اس پروگرام غا

اہم اجلاس مانہہ اس طرح گا موصوعات ور طرح کی گئی جن مانہہ جامع تعلیم غے نال نال اُن بچاں غو زکر وی کیو گیو جن ور تعلیمی عمل غے دوران خصوصی توجہ دین غی ضرورت ہے اس ۵ روزہ تربیتی پروگرام غو مقصد ضلع غے اندر استادان نانہہ ایسی تربیت فراہم کرنی ہے جہیڑی جے قومی تعلیمی پالیسی ۲ ہزار ۰۲ غ انقط نال جڑے۔

WATERSHED JAMMU

ضلع جموں گا بلوال بلاک مانہہ پردھان منتری کرسی سنجائی یوجنا ۲ اشاریہ صفر غے تحت قومی سطح ور چلائی گئی پانی بچاؤ یا ترا غا ضمن مانہہ ایک اہم پروگرام گو انعقاد کیو گیو اس دوران مٹی نانہہ کٹاؤ تیں بچان تے پانی غا تحفظ متعلق کئی معاملات ور روشنی پائی گئی۔ اس تیں علاوہ زرعی پیداوار غی بڑھوتری تے دیہی تے پہاڑی علاقان مانہہ مٹی نانہہ کٹاؤ تیں بچان غی کئی تکنیکاں ور وی تبادلہ خیال کیو گیو۔

LIVE STOCK RAMBAN

مال چوکھر محکمہ ضلع رام بن غے اندر کئی نوی تکنیکاں کی شروعات کر رہیو ہے جس نال دودھ غی پیداوار تے مال چوکھر تیں حاصل ہون آلا منافع مانہہ بادو وے گو۔ اس ضمن مانہہ ایک پروجیکٹ غے تحت ۴ سو مادہ مویشیاں غی دیکھ بھال غو ایک یونٹ تعمیر کیو گیو جموں کشمیر انتظامیہ غی طرفوں منظور شدہ اس پروجیکٹ نال کسانان نانہہ کافی فائدو حاصل وے غو تے مقامی علاقہ غی اقتصادی صورتحال وی بہتر وے غی۔

HIGHWAY

محکمہ موسمیات نے اج جموں کشمیر غا کئی علاقان مانہہ درمیانہ تے بھاری بارشاں غے نال اونچاں علاقان مانہہ برف باری غی پیشین گوئی کی ہے محکمہ موسمیات نے دسیو ہے کہ ۴ مارچ توڑی دوبارہ کئی جگہاں ور بارش تے برف باری غ امکان ہیں اس دوران جموں سرینگر قومی شاہراہ ور سفر کرن آلا مسافران نانہہ کہیو گیو ہے کہ وے ٹریفک محکمہ غی طرفوں جاری ہدایتاں ور عمل کریں۔ شاہراہ ور مسافران گڈیاں کی آؤ جانی غو سلسلو جاری ہے لیکن بڑی تے مال گڈیاں نانہہ کافی کنڈ آلی طرفوں سڑک غی صورتحال گو جائیزو لین تیں بعد ہی جموں آلے پاسے آن دتو جے غو۔

ANNOUNCEMENT

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غا پینل غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک ویں تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وہ ضلع صدر دفتر کٹھوعہ مانہہ یا اس تیں 10 کلو میٹر غادائرہ اندر رہائش پزیر وے اس

سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ
آکاشوانی پنچترتھی جموں مانہہ بزات خود آئندہ 7 مارچ توڑی دینی ویگی۔ اس بارے مزید
ور دستیاب ہے۔ www.newsonair.gov.in جانکاری ویب سائٹ
